



KENYATAAN AKHBAR KEMENTERIAN KESIHATAN MALAYSIA

SITUASI SEMASA JANGKITAN PENYAKIT CORONAVIRUS 2019 (COVID-19) DI MALAYSIA 22 DISEMBER 2021

Kementerian Kesihatan Malaysia (KKM) ingin memaklumkan status terkini kes COVID-19 di Malaysia sehingga 22 Disember 2021 (jam 12:00 tengah hari);

- Kes sembuh : **5,118 kes** (2,647,587 kes kumulatif, 97.0%);
- Kes baharu : **3,519 kes** (2,728,203 kes kumulatif);
- Kes import : **100 kes** (89 warganegara; 11 bukan warganegara);
- Kes tempatan : **3,419 kes** [3,274 warganegara (95.8%); 145 bukan warganegara (4.2%)];
- Kes yang memerlukan rawatan di Unit Rawatan Rapi (ICU): **331 kes** (263 kes disahkan COVID-19; 68 kes disyaki, kemungkinan, dan kes dalam siasatan);
- Kes memerlukan bantuan pernafasan: **187 kes** (122 kes disahkan COVID-19; 65 kes disyaki, kemungkinan, dan kes dalam siasatan);

- Jumlah kluster : **6,088 kluster**;
- Jumlah kluster baharu : **2 kluster**;
- Jumlah kluster yang telah tamat : **5,854 kluster**; dan
- Jumlah kluster aktif : **234 kluster**.

Daripada **3,519 kes** harian yang dilaporkan pada hari ini;

- **65 kes (1.8 peratus)** adalah kategori 3, 4, dan 5; dan
- **3,454 kes (98.2 peratus)** lagi adalah terdiri daripada kategori 1 dan 2.

Perincian nilai RT mengikut negeri adalah seperti di Lampiran 1 yang disertakan bersama kenyataan media ini. Manakala, maklumat terperinci lain berkenaan situasi semasa jangkitan dan penularan COVID-19 di Malaysia akan dimuatnaik ke laman web COVIDNOW di <https://covidnow.moh.gov.my>. Data akan dikemaskini pada jam 12:00 tengah malam setiap hari.

SITUASI SEMASA BENCANA BANJIR DAN JANGKITAN COVID-19 DI PUSAT PEMINDAHAN SEMENTARA (PPS)

Sehingga jam 3 petang 22 Disember 2021, KKM ingin memaklumkan:

- Jumlah Pusat Perpindahan Sementara (PPS) yang masih beroperasi - **415 PPS**;
- Jumlah negeri dilanda banjir - **Tujuh (7)** (Kelantan, Pahang, Selangor, Negeri Sembilan, Perak, Wilayah Persekutuan Kuala Lumpur, dan Melaka);
- Jumlah keseluruhan mangsa terjejas banjir - **65,114 orang**;
- Kes positif COVID-19 dalam kalangan mangsa banjir - **361 kes**; dan
- Kes positif COVID-19 di PPS - **Tiada**.

Pada 22 Disember 2021, sebanyak 963 (27.2%) daripada 3,438 mangsa banjir telah diperiksa dan diberi rawatan pesakit luar oleh pasukan perubatan di PPS. Bilangan kes yang dilaporkan adalah seperti dalam **Jadual 1**:

| Penyakit Berjangkit | Bilangan Kes |
|--|--------------|
| Jangkitan Saluran Pernafasan Akut (ARI) | 203 |
| Penyakit Kulit | 50 |
| <i>Acute Gastroenteritis (AGE)</i> | 13 |
| <i>Hand, Foot and Mouth Disease (HFMD)</i> | 1 |
| Lain-Lain Penyakit Berjangkit | 43 |
| Jumlah | 310 |

Jadual 1 : Pecahan kes penyakit berjangkit yang melibatkan mangsa banjir pada 22 Disember 2021

KKM ingin menasihatkan orang ramai supaya:

- a. **Memaklumkan status risiko COVID-19** kepada anggota penyelamat sekiranya disahkan positif COVID-19 atau dikenal pasti sebagai kontak rapat agar tindakan sewajarnya dapat diambil semasa proses pemindahan dan penyelamatan;
- b. **Sentiasa patuh kepada SOP** dan amalan norma baharu semasa proses pemindahan dan sepanjang tempoh berada di PPS;
- c. Sentiasa memakai pelitup muka, amalkan penjarakan fizikal, dan maklumkan kepada petugas atau pasukan perubatan di PPS sekiranya mengalami gejala COVID-19;
- d. **Elakkan dari berkumpul beramai-ramai** dalam kalangan mangsa banjir semasa berada di PPS;

- e. **Memakai pelindung diri** semasa operasi memindahkan mangsa banjir dan sewaktu melakukan proses-proses pembersihan pasca banjir;
- f. **Pastikan kebersihan diri terjaga** dengan segera membersihkan badan yang terkena air banjir dengan air bersih dan amalkan mencuci tangan menggunakan cecair pembasmi kuman atau sabun terutamanya apabila pergi ke tempat gunasama seperti tandas;
- g. **Elakkan diri daripada bermain atau meredah air banjir;**
- h. **Sentiasa menjaga kebersihan kawasan PPS** untuk mengelakkan daripada penyakit bawaan vektor;
- i. **Elakkan daripada minum air dan makan makanan yang sudah tercemar;**
- j. **Sekiranya bergejala, segera dapatkan rawatan** di klinik atau hospital yang berhampiran terutamanya bagi individu yang berisiko tinggi seperti warga emas, kanak-kanak, wanita hamil, dan juga individu yang mempunyai komorbiditi; dan
- k. **Petugas perubatan di semua fasiliti kesihatan perlu lebih berwaspada akan gejala-gejala penyakit** yang sering dikaitkan dengan kejadian banjir seperti yang disebutkan di atas, seterusnya melakukan pemeriksaan yang sepatutnya agar rawatan segera dapat diberikan.

KKM akan sentiasa memantau dan menjalankan aktiviti kawalan dan pencegahan sebaik-baiknya agar penyakit berjangkit akibat bencana banjir terutamanya COVID-19 dapat dibendung. Untuk maklumat lebih lanjut dan kemaskini mengenai info bencana banjir, sila layari laman web <https://infobencanaikmv2.jkm.gov.my/portal/index>

NASIHAT KESIHATAN BERKAITAN COVID-19

KKM juga ingin menasihati orang ramai termasuk individu-individu yang telah menerima vaksin COVID-19 agar terus mematuhi saranan serta nasihat-nasihat kesihatan yang sering ditekankan iaitu;

- **Elakkan 3S:** (elakkan kawasan yang **sesak, sempit,** dan **sembang** dengan jarak yang dekat);
- **Amalkan 3W:** (Amalkan **Wash, Wear** dan **Warn**); dan
- Sentiasa memakai pelitup muka di kawasan awam yang tertutup. Pemakaian pelitup muka berganda adalah digalakkan.

Patuhlah kepada Prosedur Operasi Standard (SOP) sebagai norma baharu dan dapatkan vaksin COVID-19 bagi mengurangkan risiko jangkitan yang serius, bilangan kes kematian sekaligus membina imuniti kelompok. Dengan pengambilan vaksin, kita dapat melindungi orang di sekeliling daripada kemungkinan jangkitan COVID-19. Dengan imuniti kelompok yang terbentuk, kumpulan yang belum layak diberi imunisasi seperti kanak-kanak dapat dilindungi. Perlindungan untuk semua bermula daripada diri kita.

KKM akan terus memantau perkembangan kejadian jangkitan di dalam negara, dan juga luar negara melalui maklumat yang diperolehi daripada pihak WHO. KKM akan memastikan langkah pencegahan dan kawalan yang sewajarnya dilaksanakan secara berterusan.

Sekian, terima kasih.

TAN SRI DATO' SERI DR. NOOR HISHAM ABDULLAH
KETUA PENGARAH KESIHATAN MALAYSIA

22 Disember 2021 @ 6:30 petang.

LAMPIRAN 1**NILAI R_T MENGIKUT NEGERI
BERDASARKAN KES YANG DILAPORKAN
PADA 21 DISEMBER 2021**

| NEGERI | NILAI R_T |
|------------------------|-------------------------------|
| PAHANG | 1.00 |
| PULAU PINANG | 1.00 |
| TERENGGANU | 0.99 |
| WP KUALA LUMPUR | 0.94 |
| NEGERI SEMBILAN | 0.93 |
| JOHOR | 0.96 |
| WP LABUAN | 0.88 |
| PERAK | 0.93 |
| SELANGOR | 0.92 |
| MELAKA | 0.92 |
| PERLIS | 0.89 |
| KEDAH | 0.89 |
| WP PUTRAJAYA | 0.94 |
| KELANTAN | 0.87 |
| SABAH | 0.83 |
| SARAWAK | 0.75 |
| MALAYSIA | 0.90 |

9 LANGKAH ELAKKAN PENYAKIT BERKAITAN BANJIR



1



Elakkan dari bermain atau meredah air banjir

2



Pakai pelindung diri semasa operasi memindahkan mangsa banjir

3



Segera bersihkan badan yang terkena air banjir dengan air bersih

4



Cuci tangan dengan betul dan sentiasa jaga kebersihan diri

5



Jangan guna air banjir untuk membersihkan diri, peralatan atau makanan

6



Sentiasa guna air bersih atau air berbotol untuk minum, cuci makanan, peralatan dan diri

7



Sentiasa bersihkan pusat pemindahan supaya tidak dihurungi lalat dantikus

8



Pakai pelindung diri semasa mencuci dan persekitaran selepas banjir

9



Dapatkan rawatan segera sekiranya demam dalam 30 hari selepas kerja pembersihan

Air banjir tercemar dengan limpahan najis dari tangki septik, najis haiwan dan bangkai haiwan.



Bersama
Hentikan
Wabak
Covid-19

moh.gov.my

SUMBER: PORTAL myHEALTH

9 LANGKAH

ELAKKAN PENYAKIT BERKAITAN BANJIR

Air banjir tercemar dengan limpahan najis dari tangki septik, najis haiwan dan bangkai haiwan.

1.



ELAKKAN DARI
Bermain atau meredah air banjir.

2.



PAKAI PELINDUNG DIRI
Semasa operasi memindahkan mangsa banjir.

3.



SEGERA BERSIHKAN
Badan yang terkena air banjir dengan air bersih.

4.



CUCI TANGAN
Dengan betul dan sentiasa jaga kebersihan diri.

5.



JANGAN GUNA
Air banjir untuk membersihkan diri, peralatan atau makanan.

6.



SENTIASA GUNA
Air bersih atau air berbotol untuk minum, cuci makanan, peralatan dan diri.

7.



SENTIASA BERSIHKAN
Pusat pemindahan supaya lalat dan tikus tidak berhurung.

8.



PAKAI PELINDUNG DIRI
Semasa mencuci rumah dan persekitaran selepas banjir.

9.



DAPATKAN RAWATAN
Segera sekiranya demam dalam tempoh 30 hari selepas kerja pembersihan.



Diterbitkan oleh:
Kementerian Kesihatan Malaysia



myhealthkkm



www.moh.gov.my